

1249/1
SEJARAH
KERTAS 1
MASA 1 JAM
SEJ 2024

Nama :

Tingkatan :



**MAJLIS PENGETUA SEKOLAH MALAYSIA
(CAWANGAN PULAU PINANG)**

PEPERIKSAAN PERCUBAAN TAHUN 2024

SEJARAH TINGKATAN 5

**KERTAS 1
SET 1**

SATU JAM

JANGAN BUKA KERTAS SOALANINI SEHINGGA DIBERITAHU

ARAHAH:

1. *Kertas soalan ini mengandungi 40 soalan.*
2. *Jawab semua soalan.*
3. *Tiap-tiap soalan diikuti oleh empat pilihan jawapan, iaitu A, B, C dan D . Bagi setiap soalan, pilih **SATU** jawapan sahaja.*
4. **HITAMKAN** jawapan anda pada kertas jawapan objektif yang disediakan.
5. *Jika anda hendak menukar jawapan, padamkan tanda yang telah dibuat. Kemudian hitamkan jawapan yang baharu.*

Buku soalan ini mengandungi 11 muka surat termasuk kulit hadapan

- 1 Maklumat berikut berkaitan undang-undang dalam kerajaan Alam Melayu.

Kutara Manawa

Namakan kerajaan yang mengamalkan undang-undang tersebut.

- A Kerajaan Funan
- B Kerajaan Champa
- C Kerajaan Srivijaya
- D Kerajaan Majapahit

- 2 Ciri-ciri negara bangsa yang telah diwarisi dari kerajaan Alam Melayu telah memperkuuh kerajaan Srivijaya, Kesultanan Melayu Melaka dan Kesultanan Johor-Riau.
Apakah nilai yang boleh kita peroleh daripada penyataan tersebut.

- I Berkomunikasi sesama kaum
 - II Bertoleransi antara pelbagai bangsa
 - III Bekerjasama mempertahankan warisan
 - IV Bergotong-royong menjaga kebersihan
- A I dan II
 - B I dan IV
 - C II dan III
 - D III dan IV

- 3 Maktab Melayu Kuala Kangsar (MCKK) dan Maktab Perguruan Sultan Idris (SITC) merupakan antara institusi pendidikan yang menyemarakkan nasionalisme menentang penjajah.

Bagaimakah institusi pendidikan ini berfungsi menyemarakkan nasionalisme?

- A Mewujudkan sistem pendidikan madrasah
- B Melahirkan golongan yang memimpin rakyat
- C Mendedahkan pelajar dengan pemodenan Islam
- D Menerima kunjungan ulama dari Sumatera Barat

- 4 Penulisan novel berjaya meniupkan nasionalisme dalam kalangan penduduk di negara kita.

Apakah faktor yang mendorong kejayaan ini?

- A Penulisan bertemakan anti imperialism
- B Penulisan bertemakan kemajuan ekonomi
- C Penulisan bertemakan semangat cinta negara
- D Penulisan bertemakan perjuangan pendidikan

- 5 Pada tahun 1930-an, muncul golongan masyarakat India yang dilahirkan di Tanah Melayu dan dikenali sebagai “the Strait born people”
Bagaimanakah masyarakat tersebut memberi kesan kepada perkembangan nasionalisme di negara kita?
- A Memperjuang hak sama rata
B Membentuk identiti tersendiri
C Mengkritik dasar kerajaan kolonial
D Mengutamakan perkembangan ekonomi
- 6 Kekejaman tentera Jepun dan kesengsaraan hidup semasa pendudukan Jepun di Tanah Melayu telah mencetuskan penentangan penduduk.
Apakah cara penentangan tersebut??
- A Menubuhkan Rejimen Askar Melayu
B Menubuhkan Tentera Semut
C Melancarkan Perang Saraf
D Mengadakan demonstrasi
- 7 UMNO menganjurkan bantahan besar-besaran menentang Malayan Union. Bantahan penduduk tempatan ini berjaya membuka mata kerajaan British terhadap keburukan Malayan Union.
Apakah nilai yang boleh dikaitkan dengan perjuangan tersebut?
- I Semangat juang
II Perpaduan kaum
III Tolak ansur politik
IV Penyatuan orang Melayu
- A I dan II
B I dan IV
C II dan III
D III dan IV
- 8 Mengapa penyerahan Sabah kepada British tidak mendapat penentangan daripada penduduk tempatan?
- A Mempunyai masalah kewangan
B Tidak mempunyai pewaris takhta
C Mempunyai persatuan yang tidak aktif
D Tidak memahami tujuan penyerahan tersebut

9 Apakah tindakan yang dilakukan oleh PUTERA-AMCJA apabila British menolak perlembagaan rakyat?

- A Melakukan mogok
- B Mengajurkan hartal
- C Mengadakan ceramah
- D Melancarkan demonstrasi

10 Penubuhan Persekutuan Tanah Melayu 1948 berjaya mewujudkan sebuah negara bangsa yang kukuh.

Apakah iktibar yang boleh diambil dari penubuhan ini?

- A Taat setia kepada pemerintah
- B Sanggup berkorban demi negara
- C Hormat menghormati antara kaum
- D Kerjasama antara rakyat dengan pemimpin

11 Gambar berikut menunjukkan keganasan komunis di Tanah Melayu.



Mengapakah komunis bertindak sedemikian?

- A Rakyat menderita
- B Berhijrah ke bandar
- C Mencari pekerjaan baharu
- D Penularan wabak penyakit

12 Mengapakah Parti Komunis Indonesia (PKI) berusaha menyebarkan pengaruh mereka di Tanah Melayu?

- A Kegagalan menguasai Pulau Jawa
- B Penubuhan Parti Komunis Nanyang
- C Keinginan menguasai bahan mentah
- D Peluasan pengaruh Parti Komunis China

13 Sistem Ahli dilaksanakan pada bulan April 1951 hingga bulan Jun 1955. Bagaimanakah Sistem Ahli ini dapat memperkuuh perpaduan rakyat?

- A Ahli dipantau oleh suruhanjaya bebas
- B Undang-undang anti perkauman digubal
- C Ahli dilantik dalam kalangan pelbagai kaum
- D Mewajibkan penggunaan Bahasa Kebangsaan

14 Apakah objektif Penyata Jawatankuasa Pelajaran 1956?

- A Membina lebih banyak sekolah
- B Sistem persekolahan mengikut kaum
- C Kurikulum yang seragam dan bercorak kebangsaan
- D Mewujudkan sistem pembiayaan pendidikan yang teratur

15 Jawatankuasa Pilihan Raya telah dibentuk dengan 46 orang ahli pada 1 Februari 1954. Berdasarkan maklumat tersebut, apakah tugas Jawatankuasa Pilihan Raya?

- A Melantik wakil rakyat
- B Mengadakan rundingan
- C Mengumumkan keputusan
- D Mengkaji hal ehwal pilihan raya

16 Selepas Pilihan Raya Majlis Perundangan Persekutuan 1955, beberapa perubahan berlaku secara berperingkat di negara kita. Apakah kesan penubuhan Majlis tersebut?

- I Suruhanjaya Cobbold ditubuhkan
- II Pilihan Raya Bandaran dijalankan
- III Pentadbiran demokrasi diamalkan
- IV Tunku Abdul Rahman mengetuai kerajaan
- A I dan II
- B I dan IV
- C II dan III
- D III dan IV

17 Mengapakah Tunku Abdul Rahman merancang perjalanan rombongan kemerdekaan ke Karachi menggunakan kapal laut?

- A Merangka perlembagaan baharu
- B Berunding tentang usaha kemerdekaan
- C Mendapatkan sokongan negara serantau
- D Berbincang dengan wakil Raja-raja Melayu

18 Maklumat berikut berkaitan misi kemerdekaan.

- Berlangsung dari 18 Januari 1956 - 6 Februari 1956
- Di Lancaster House, London

Apakah peristiwa yang berlaku?

- A Perjanjian kemerdekaan
- B Rundingan kemerdekaan
- C Sambutan kemerdekaan
- D Pengisytiharan kemerdekaan

19 Kemerdekaan negara tercapai kerana sumbangan tokoh-tokoh nasionalis negara. Bagaimanakah generasi hari ini menghargai jasa mereka??

- A Menuntut pelbagai kemahiran
- B Mematuhi perundangan negara
- C Membangunkan ekonomi negara
- D Menyanjungi pengorbanan mereka

20 Perjanjian Anglo Malayan Defence Agreement (AMDA) ditandatangani antara Persekutuan Tanah Melayu dan Britain pada tahun 1957.
Apakah manfaat perjanjian tersebut?

- A Memperkuatkan ekonomi negara
- B Melindungi hak asasi manusia
- C Memperkuatkan pertahanan
- D Meluaskan pasaran barang

21 Kedaulatan adalah kekuasaan tertinggi dan kewibawaan sesebuah negara yang bebas.
Apakah kepentingan kedaulatan kepada sesebuah negara?

- A Menjamin kesejahteraan rakyat
- B Memantapkan kewibawaan raja
- C Meningkatkan pencapaian intelek
- D Memperjuangkan kebijakan masyarakat

22 Apakah usaha yang dilakukan oleh kerajaan bagi mengukuhkan pertahanan negara?

- A Memodenkan teknologi senjata
- B Menetapkan sempadan negara
- C Mendapatkan tentera upahan
- D Menyekat pendatang asing

- 23 Perlembagaan Persekutuan memperuntukkan pilihan raya sebagai asas sistem demokrasi di Malaysia.
Apakah rasional peruntukan tersebut?
- A Pengasingan kuasa
B Pemerintahan beraja
C Rakyat bebas memilih wakil pemimpin
D Kerajaan Persekutuan berkuasa penuh
- 24 Mengapakah berlaku pindaan Perlembagaan Persekutuan pada tahun 1963?
- A Pemisahan Singapura
B Pembentukan Malaysia
C Mengukuhkan sistem beraja
D Menjalankan pilihan raya umum
- 25 Bagaimakah Majlis Raja-Raja memainkan peranannya dalam sistem Raja Berperlembagaan?
- A Mengesah pelantikan anggota Jemaah Menteri
B Memberi nasihat berkaitan pelantikan jawatan tertentu
C Memperkenan undang-undang yang diluluskan Parlimen
D Mempunyai kuasa budi bicara dalam pembentukan kerajaan
- 26 Perlembagaan Persekutuan telah menggariskan peruntukan berkaitan dengan kebebasan asasi.
Apakah bukti negara kita mengamalkan kebebasan asasi dalam beragama?
- I Aktiviti keagamaan dijalankan secara tertutup
II Sikap diskriminasi terhadap agama lain
III Agama Islam sebagai agama Persekutuan
IV Penganut agama lain mengamalkan agama masing-masing
- A I dan II
B I dan IV
C II dan III
D III dan IV

27 Jadual berikut berkaitan perkembangan sistem Pentadbiran Persekutuan di negara kita.

Tahun	Sistem Pentadbiran
1896	Pembentukan Negeri-negeri Melayu Bersekutu
1927	Penstrukturran Majlis Perundangan Persekutuan
1946	Penubuhan Malayan Union

Apakah kepentingan pembentukan sistem tersebut?

- A Menjamin kepentingan British
- B Menjalankan dasar dekolonisasni
- C Melaksanakan pengasingan kuasa
- D Mengukuhkan kedudukan Raja-raja Melayu

28 Pada peringkat awal kemerdekaan, kerajaan telah melancarkan program In-Situ.
Apakah penekanan program tersebut?

- A Pembangunan fizikal desa
- B Penyediaan peluang pekerjaan
- C Pembukaan petempatan baharu
- D Penyusunan semula masyarakat

29 Mengapakah Sir Malcolm Mac Donald dan Sir Gerald Templer mencadangkan penggabungan tanah jajahan British di Asia Tenggara?

- I Dekolonisasi
- II Keselamatan
- III Kebudayaan
- IV Potensi ekonomi

- A I dan II
- B I dan IV
- C II dan III
- D III dan IV

30 Indonesia membuat bantahan rasmi kepada Pertubuhan Bangsa-Bangsa Bersatu (PBB) tentang pembentukan Malaysia.

Bagaimanakah PBB menyelesaikan isu tersebut?

- A Mengadakan siri lawatan
- B Membuat tinjauan semula
- C Memberi rasional pembentukan
- D Mengusulkan idea penyelesaian

- 31 Sarawak telah mengalami krisis perlembagaan pada bulan Jun 1966. Bagaimanakah kerajaan bertindak untuk menghadapi krisis ini?

- A Mengisyiharkan darurat
- B Meminda perlumbagaan
- C Mengadakan pilihan raya
- D Memberi khidmat nasihat

- 32 Berikut adalah majlis yang diberikan kuasa untuk memerintah negara dari 16 Mei 1969 hingga 23 Februari 1971

MAGERAN

Apakah tanggungjawab majlis tersebut?

- A Memperkenalkan dasar ekonomi negara
- B Menyusun strategi ketenteraan negara
- C Menentukan pentadbiran negara licin
- D Mengendalikan pilihan raya yang adil

- 33 Dasar Pendidikan Kebangsaan dibentuk untuk memupuk perpaduan kaum. Bagaimanakah dasar ini mampu dicapai melalui Laporan Rahman Talib?

- A Menekankan aktiviti kokurikulum
- B Mengadakan kurikulum yang sama
- C Memperkenalkan pelbagai kursus kemahiran
- D Melaksanakan sistem persekolahan aneka jurusan

- 34 Mengapa Rukun Negara diisyiharkan pada 31 Ogos 1970?

- A Membangunkan modal insan
- B Mengukuhkan perpaduan rakyat
- C Meningkatkan kemajuan ekonomi
- D Memupuk semangat juang rakyat

- 35 Dasar Pembangunan Nasional (DPN) bermatlamat untuk mencapai perpaduan. Bagaimanakah hasrat tersebut dapat dicapai?

- A Mengawal kadar inflasi
- B Melaksanakan ekonomi kawalan
- C Memantau pengurusan kewangan negara
- D Mengimbangi pembangunan antara negeri

36 Apakah yang dimaksudkan dengan pertanian pintar?

- A Penggunaan teknologi dalam pengeluaran
- B Membangunkan kemudahan fizikal
- C Meningkatkan integrasi ekonomi
- D Pengurusan sektor moden

37 Kerajaan-kerajaan berikut telah menjalankan hubungan diplomatik dengan kerajaan China.

- P'an-p'an
- Langkasuka
- Chih-t'u

Bagaimakah hubungan tersebut dijalankan?

- A Menghantar ufti
- B Menghantar utusan
- C Melalui ketenteraan
- D Melalui perkahwinan

38 Perang Dingin ialah konflik politik yang melibatkan dua kuasa iaitu negara Blok Barat dengan negara Blok Timur.

Apakah kesan Perang Dingin kepada Malaysia?

- A Penggubalan dasar luar
- B Kemelesetan ekonomi
- C Dasar Tidak Berpihak
- D Dasar probarat

39 Bagaimakah rakyat Malaysia berperanan membantu perjuangan rakyat Palestin?

- I Menyalurkan bantuan kemanusiaan
- II Mewujudkan tabung sumbangan
- III Meminta bantuan kuasa dunia
- IV Menghantar pasukan tentera

- A I dan II
- B I dan IV
- C II dan III
- D III dan IV

40 Perjanjian Zon Bebas Senjata Nuklear Asia Tenggara telah ditandatangani pada 1995. Bagaimanakah Malaysia menunjukkan komitmen terhadap perjanjian tersebut?

- A Melarang pembinaan loji nuklear
- B Menutup laluan perdagangan antarabangsa
- C Memutuskan hubungan dengan negara pengeluar
- D Menghalang kapal nuklear berlabuh di perairannya

SOALAN PEPERIKSAAN TAMAT